



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN - DEGA E GJYKATËS KAMENICË

Numri i lëndës: 2020:144489

Datë: 05.03.2021

Numri i dokumentit: 01568618

P.nr.226/2020

NË EMËR TË POPULLIT

Gjykata Themelore në Gjilan - Dega në Kamenicë, gjyqtari i vetëm Sadri Krasniqi, me sekretaren juridike Tevide Thaqi, në lëndën penale kundër të akuzuarit: B.I. nga, për shkak të veprës penale: Lëndim i lehtë trupor nga neni 185 parag. 1 nën parag. 1.4 të KPRK-së, sipas aktakuzës së PTH-së nga Gjilani PP.II.nr.1709/2020, të dt. 21.10.2020, më datë 24.02.2021, në prani të Prokurores së Shtetit Bahtie Ademi dhe të akuzuarit B.I., shpalli dhe komunikoi publikisht, ndërsa më datën 05.03.2021 përpiloi këtë:

A K T G J Y K I M

I a k u z u a r i :

B.I., pa pseudonim dhe emër të rrejshëm, nga i ati A., e ëma Q., mbiemri i vajzërisë T., i lindur më, në, ku edhe jeton, me nr. personal, Shqiptar, shtetas i Republikës së Kosovës, i martuar, prind i një fëmije, ka të kryer shkollën e mesme, i pa punësuar, i gjendjes së varfër ekonomike, në bazë të evidencës që disponon kjo gjykatë nuk ka qenë i dënuar më parë për vepra tjera penale dhe nuk udhëhiqet procedurë për vepër tjetër penale.

Ë s h t ë f a j t o r

Sepse,

Më datë 11.10.2020, rreth orës 09.30 min, në fshatin Gjyrishevc, komuna e Kamenicës, i pandehuri B.I., pas një mosmarrëveshje me të dëmtuarin L.I. me dashje dhe me përdorimin e dhunës i ka shkakuar lëndime trupore, në atë mënyrë që i njëjti i bllokoi rrugën për në pyll të dëmtuarit me veturën e tij “Llada Niva”, duke ia pamundësuar që me traktor të shkojë në pyll, mirëpo edhe për kundër kërkesës për lirim të rrugës, i pandehuri e sulmon fizikisht në traktor duke e goditur me dorën e djathtë në kokë ku i shkakton lëndime trupore i cili si pasojë e lëndimeve detyrohet të kërkojë ndihmë mjekësore në QKMF në Kamenicë me nr. të protokollit 8916, e më pas në Emergjencën e Spitalit të Përgjithshëm në Gjilan sipas raportit me nr. 22716 të datës 11.10.2020, e të cilat lëndime sipas ekspertizës mjeko-ligjore të datës 20.10.2020, kualifikohen si dëmtime të lehta trupore me pasoja të përkohshme për shëndetin.

- me çka në bashkëveprim ka kryer veprën penale: Lëndim i lehtë trupor nga neni 185 parag. 1 nën parag. 1.4 të KPRK-së,

Gjykata në bazë të nenit të lartë cekur dhe neneve 4,38, 43, 69,70 dhe 71 të KPRK-së, lidhur me nenin 248, 365 dhe 451 të KPPRK-së, të akuzuarin B.I. e,

G J Y K O N

Me dënim gjobe (në të holla) në shumë prej **250 € (dyqind e pesëdhjetë euro)**, të cilin dënim ka për ta arkëtuar në afatin prej 15 dite nga dita e plotfuqishmërisë së aktgjykimit, në të kundërtën i njëjti dënim me gjobë do t'i zëvendësohet me dënim burgu ashtu që për çdo 20 €, do ti llogaritet nga një ditë burg.

Pala e dëmtuar L.I., nga, për realizimin e kërkesës pasurore juridike udhëzohet në kontest civil.

Detyrohet i akuzuari B.I., që në emër të paushallit gjyqësor të paguaj shumën prej 20 €, krejt këto në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Njashtu i akuzuari obligohet që në kuptim të nenit 39, paragrafi 3, nën paragrafi 3.1 të Ligjit për Kompensimin e Viktimave të Krimit, të paguaj shumën prej 30 €, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

A r s y e t i m

Prokuroria Themelore në Gjilan, me aktakuzën PP.II.nr.1709/2020, të dt. 21.10.2020, ka kërkuar që ndaj të akuzuarit: B.I. nga, të fillohet dhe shtjellohet procedura penale, për shkak të veprës penale: Lëndim i lehtë trupor nga neni 185 parag. 1 nën parag. 1.4 të KPRK-së, të shpallet fajtor dhe të dënohet sipas ligjit.

Gjykata shqyrtoi aktakuzën dhe pas vlerësimit të së njëjtës dhe shkresave tjera të lëndës konstatoi se aktakuza është e bazuar në ligj, andaj duke vepruar sipas të njëjtës, ka caktuar seancë gjyqësore për shqyrtim fillestar kundër të akuzuarit për dat. 24.02.2021, në të cilën seancë gjyqësore pas leximit të aktakuzës nga ana e prokurores së shtetit, i akuzuari B. I. ka deklaruar se e ka kuptuar aktakuzën dhe veprën penale për të cilën akuzohet, njëherit thekson se e pranon fajësin për kryerjen e kësaj veprë penale.

Në shqyrtimin fillestar dhe publik, gjykata pas dëgjimit të palëve ka marrë aktvendim me të cilin ka pranuar pranimin e fajësisë, ngase ka konstatuar se janë plotësuar të gjitha kushtet ligjore për një gjë të tillë. Në këtë aspekt, gjykata ka konstatuar se i akuzuari e ka kuptuar natyrën dhe pasojat e pranimit të fajësisë; se pranimi i fajësisë është bërë vullnetarisht nga i akuzuari, se pranimi i fajësisë mbështetet në faktet e çështjes që përmban aktakuza dhe aktakuza nuk përmban asnjë shkelje të qartë ligjore ose gabime faktike.

Andaj, duke u bazuar në të cekurat më lartë, gjykata e ka vërtetuar këtë gjendje faktike:

- se i akuzuari B.I. me dashje ka kryer veprën penale: Lëndim i lehtë trupor nga neni 185 parag. 1 nën parag. 1.4 të KPRK-së, në kohën, vendin dhe mënyrën e përshkruar si në dispozitivin e këtij aktgjykimi, për të cilën veprë penale, gjykata të akuzuarin e shpalli fajtor, ngase veprimet e të njëjtit i përmbajnë të gjitha tiparet e kësaj veprë penale dhe se për të njëjtën është edhe penalisht përgjegjës.

Me rastin e vendosjes për llojin dhe lartësinë e dënimit ndaj të akuzuarit për veprën penale të kryer, gjykata vlerësoi të gjitha rrethanat të cilat në kuptim të nenit 70 të KPRK-së, ndikojnë në shqiptimin e drejtë dhe meritore të dënimit ligjor. Në veçanti për këtë rast si rrethana lehtësuese për të akuzuarin gjyqtari i vetëm gjykues pati parasysh pranimin e fajësisë nga i akuzuari, gjendjen e tij të vështërë ekonomike, sepse si mbajtës i familjes jeton pa kurfar të

ardhurash personale, është penduar thellë për veprën penale të kryer, si dhe premtimin e tij se në të ardhmen nuk do të kryej vepër tjetër penale. Ndërsa gjykata, nuk ka gjetur ndonjë rrethanë rënduese për të akuzuarin.

Sipas bindjes së gjykatës, dënimi me gjobë ndaj të akuzuarit B.I., duke i marrë për bazë rrethanat e përmendura më lartë, është dënim i drejtë, në harmoni me peshën e veprës penale dhe shkallën e përgjegjësisë të akuzuarit.

Gjykata, gjithashtu ka konstatuar se me këtë dënim, mund të arrihet edhe qëllimi i dënimit nga neni 38 i KPRK-së, i cili konsiston në parandalimin e të akuzuarit nga kryerja e veprave penale në të ardhmen dhe të bëjë rehabilitimin e tij, të parandalojë personat e tjerë nga kryerja e veprave penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Pala e dëmtuar L.I., nga, për realizimin e kërkesës pasurore juridike udhëzohet në kontest civil.

Duke pasur parasysh natyrën e kësaj çështje penale dhe gjendjen financiare të akuzuarit, gjyqtari i vetëm gjykues, bazuar në nenin 451 paragrafi 1 i KPPRK-së, ka vendosur që të akuzuarin ta detyrojë për ta paguar paushallin gjyqësor në shumën prej 20 € (Njëzetë euro), si dhe 30 € për Programin për Kompensimin e Viktimave të Krimit, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Nga të cekurat më lartë është vendosur si në dispozitiv të këtij aktgjykimi.

GJYKATA THEMELORE NË GJILAN- DEGA NË KAMENICË,

P.nr. 226/2020 më datë. 05.03.2021

Sekretarja juridike ,

Tevide Thaqi,d.v

Gj y q t a r i,

Sadri Krasniqi,d.v.

KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit të aktgjykimit, Gjykatës së Apelit në Prishtinë, përmes kësaj gjykate.